

UGOVOR

O IZRADI I UGRADNJI OPREME ZA DJEČIJE IGRALIŠTE

Zaključen između ugovornih strana:

NARUČILAC Humanitarna organizacija Kozarac, (Humanitäre Organisation Kozarac") Anton-Hess Gasse 8, 4840 Vöcklabruck, Austrija. ZVR-Zahl: 1336950025, (centralni registar udruženja br.: 1336950025) u daljem tekstu **Naručilac**, koga zastupa Derviš Kahrmanović.

DOBAVLJAČ: IstraCom d.o.o. Industrijska zona Zdena bb, 79260 Sanski Most, ID broj 4263546840005, PDV broj: 263546840005 (dalje **Dobavljač**) koga zastupa direktor Armin Avdić dipl.oec.

PREDMET UGOVORA

Član 1.

Dobavljač i Naručilac postigli su saglasnost za zaključenje ovog ugovora kojim regulišu međusobne odnose u pogledu izrade zaštitne podloge oko postojećeg dječijeg igrališta, u dvorištu, odnosno parku JU Osnovne škole "Kozarac" prema Idejnom prijedlogu br. GP-K-1 i Predračunu broj 44-2/2024 od 04.03.2024. godine kojim su obuhvaćeni svi bitni detalji a koji čini sastavni dio ovog ugovora (u daljem tekstu: **Predračun**).

Član 2.

Ovim ugovorom Dobavljač se obavezuje da će u skladu sa dostavljenim predračunom izvršiti nabavku odnosno izradu zaštitne podloge oko postojećeg dječijeg igrališta na lokaciji definisanoj u članu 1 ovog ugovora.

Član 3.

Ukupna vrijednost ugovorenih radova iznosi 23000,00 KM sa uračunatim PDV-om, odnosno 11760,00 EUR.

Naručilac se obavezuje poručenu robu platiti avansno u iznosu od 30% tj. 6900,00 KM odnosno 3528,00 EUR prilikom potpisivanja ugovora ili najkasnije 7 dana od dana potpisivanja ugovora, a ostatak najkasnije 15 dana od dana isporuke/ugradnje odnosno ispostavljanja fakture. Ukoliko ugradnja opreme ne bude u toku mjeseca uplate avansa, dobavljač je dužan kupcu dostaviti avansnu fakturu na uplaćeni iznos avansa.

Uplate se mogu izvršiti na žiro račun dobavljača br.: 1610350035430068 koji se vodi kod Raiffeisen Banke ili žiro račun br.1414785320017258 koji se vodi kod BBI Banke.

Rok za izvođenje radova planiran je najkasnije do 15.04.2024 godine.